


讀書日敏求記



漢書門			
類	號	函	架
九	三	四	四

內閣文庫		漢書
類	冊	函
九	四	五


夏號

內閣文庫	
番號	漢 2449
冊數	4( 2)
函號	297 46





淺草文庫



讀書記卷第二

史記一百三十卷

唐尊老子為玄元皇帝

開元二年三年

勅升于史記列傳之首

處伯夷上

予昔藏宋刻史記有

四而開元本亦其一焉

今此本乃集諸宋板共

成一書小大長短各種咸備

李沂公取桐絲之精者

雜綴為一琴謂之百衲

予亦戲名此為百

衲本史記以發同人一笑焉  
王備東都事略  
東都事略宋刻僅見此本先君最所寶愛宋本  
樓牙籤萬軸獨闕此書牧翁屢求不獲心頗嘯  
焉先君家道中落要素頻煩始終不忍捐棄吾  
子孫其慎守之勿失  
資治通鑑二百九十四卷

溫公脩通鑑成自言惟王勝之一讀他人讀未  
終卷已欠伸思睡矣當公世而云然無怪乎後

細  
一之謾聞小生拾一芝麻終便侈談古今也此為  
吾鄉顧塵容先生所披閱先生諱大章字伯欽  
與楊左諸公同受奄禍名在斗杓當其人詔獄  
時有芝生一莖六瓣兆六君子之祥雖天公亦  
為之告異今觀先生點定此書自始至終詳整  
無一懈筆心細如髮晏居不苟如此允為王勝  
之後之一人矣吾家通鑑有大字宋本復有宋  
人手被者半部刻鏤精工烏絲外標題週遭殆  
遍尚是宋人裝潢本經今人換釘者然總不若

凡

此之本矜重，吾輩當盥頰莊拜而後讀，如臧榮緒之于五經可耳。劉知幾史通二十卷，陸文裕公刻蜀本史通，其補註因習曲筆，監識四篇，殘脫疑誤，不可復讀。文裕題其篇末，而無從是正，卒世罕覩，全存殊可惜也。此本手脫簡處，一一補錄完好，又經前輩勘對精允，風標題行間者，皆別出手眼，覽之真有頭白汗青之感。胡一桂十七史纂古今通要十七卷。

主

宋以來論史家，汗牛充棟，率多龐雜可議，以其不討論之過也。馮定遠曰：蘇子由論劉先生云：用孔明非將也，秘壘非地也。考蜀志孔明在先主時，未嘗為將，至南征始自將耳。先主若不拋蜀，則何地自容，此豈非不可討論之過乎。胡庭芳纂此書，論議頗精，允絕非宋儒偶見者可比。一覽令人于古今興亡理亂，了然胸決。朱子稱稽古錄其言如桑麻穀粟，曰小兒讀六經了，好令接讀去，予于此書亦云然。但以照烈繼建

次

安一祖朱子綱目予不敢謂溫公正統為非請  
俟百世之君子討論可耳

通鑑博論三卷

通鑑博論聖祖命寧王權編輯洪武二十九年  
九月十七日書成表進下卷圖格中獨于至正  
二十六年丙午書彥永忠沉韓林兒于瓜步大  
明惡永忠之不義後賜死牧翁云此蓋寧王奉  
聖祖意特標此一段以垂示千萬世不然安敢  
以閔國大事自立斷案乎予謂沉于瓜步記其

地也大明惡永忠之不義痛絕之也彼賜死明  
當時未蔽厥辜而後終以此正其罪也此非寧  
王之昏法而聖祖之昏法也德慶一案盡此一  
十一字中又何他辭之說欤

曜仙史略二卷

賢王奉藩多暇博詩說禮者有之貫穿歷代典  
亡提綱卒要較其良惡千古瞭如指掌蓋未有  
如寧王者元順帝為合尊之子牧翁取余應詩  
與權衡大事記疏通證明之作瀛國公事實而

此直揭云為宋幼子。明宗養為己子。又云。初明宗出獵。回遇大風雨。見寺中火光往視之。乃宋幼子。后產。明宗取而育之。以為己子。及長。文宗忌之。貶高廉。遷靜江。曜仙之說。唐申帝。正所謂大昏特昏。不一昏而已也。晉昏于小吏牛氏。諱而不沒其美。當時修元史。諸公何以見不及此。牧翁列朝詩集小序中。詳載曜仙著述。而獨遺史略。且昏瀛國公事。又不援引其言。以實之。豈當時未獲見此本歟。

續

吳越

備史四卷

今本吳越備史。武肅十九世孫德洪所刊。序稱忠懿事。止于戊辰。因命門人馬蓋臣。讀第六卷。為遺補。予暇日以家藏舊本校閱之。知其刻之非也。是昏為范垧。林禹所撰。稱忠懿為今元師。吳越國王。自乾祐戊申。至端拱戊子。紀王事終始。歷然。新刻則于乾德四年後。序次紊亂。脫誤弘多。翻以閔室二年後事。為補遺。他如王因衣錦城被寇。命同玄先生。周兵。方遠建。下元金籙。

迎

醮于東府龍瑞宮其夕大雪唯熙壇上星斗燦  
 然一黑虎蹲宮門外罷醮而去羅隱師事方遠  
 執弟子禮甚恭及述秘迦建淨圖以供之其制  
 度皆出王之心匠諸事皆失載其字句訛繆處  
 又不知幾何也蓋德洪當日所見乃零斷殘本  
 實非完書以家王故事急付剞劂未遑細心參  
 考耳每部有卷八四合印入錢氏私誌一卷論及五藏十八世糾紛德洪與  
 其弟宋太尉德慶軍節度使錢愐纂輯愐為彭城王

第三子昭陵之甥故記熙寧尚主玉仙求嗣事  
 獨詳其稱大父宝閣知台州回者乃冀國公諱  
 暄字載陽以父蔭累官駕部郎中知撫州移台  
 州進少府監權鹽鈇副使時也彭城王諱景臻  
 字道遂冀國第九子建炎二年追封故稱先王  
 俗子以為起居舍人彥遠之筆不知彥遠乃忠  
 遜之孫翰林學士易之子與彭城為再從叔侄  
 世次犁然安得及有先王之稱豈非大謬乎各  
 對此以訂証之

陸游南唐各十八卷戚光音秋一卷

書粉觀南唐詳核有法卷例俱遵史漢體音行各

其紀其傳卷第幾而注南唐各于下合流俗抄

本竟稱南唐各本記卷第一卷二三列傳亦如

之因卷使見其謬可一唱也是本後附戚光音

秋甚佳先嘗輯金陵志搜訪文獻大有考證為

當時所稱件藏各家鈔有知典氏名者矣

龍衮江南野史十卷定錄陝西陝西陝西陝西

記南唐君臣事蹟頗詳其行文亦膽雅音秋

釣磯立談一卷

叟為山東人不著名氏清泰年中避地江表嘗

釣磯以自隱李氏亡國追記南唐兵廢事得百

二十餘疏于此各序云文懸子山之廉與哀則

有之才愧士衡之多辨亡亦幾矣讀之頗為法

然

封氏聞見記十卷

辰守居士從吳岫本錄于空居閣趙清常本有

雲間夏庭芝至正辛丑跋語吳郡朱良育與唐



子畏借鈔前五卷。又與柳大中借鈔後五卷。其第七卷止存末後兩葉。餘則均之闕如也。貴與經籍志云五卷。不知所挹何本耳。

孫光憲北夢瑣言二十卷。華亭孫道明手鈔本。錄每事前列一題。流俗本通行削去。其間紕繆脫落。又不待言矣。

宇文懋昭大金國志四十卷。字文懋昭于端平元年表上所輯大金國志。懋昭竊祿金朝。為淮西歸正人。宋改授兼事郎工

部。架閣其所載誓書。下直書差康王出質。且詳列北遷宗族等事。獻條可謂無礼于其君至矣。敢于表上其書。而端平君臣竟漫置不省何也。葉隆礼契丹國志二十七卷。

隆礼各法謹嚴。筆力詳贍。洵有良史之風。具載兩國誓昏及南北通使禮物。益深有慨于海上之盟。使讀者尋其意于言外耳。棄祖宗之宿好。結虎狼之新歡。自撤籬樊。孰當杆蔽。青城之禍。詳其流毒。寔有隱痛焉。存遠以障金。此則隆礼

之志也。至庚契丹為國不史而志之。其尊本朝也。至矣。予特表而出之。

劉祁歸潛志十四卷

序文及首卷乃陸孟鳧先生年錄。先生曩日視予為忘年小友。居公予舍一年。鳴地音。各轉假。未嘗三日不相見也。此為先生所贈。金渾源劉祁京叔著。京叔以布衣遨遊士大夫間。文章驚暴一時。為遺山諸公所推挹。築堂曰歸潛。因以名其居。所記多金源逸事。後之脩史者。足徵焉。

周雪客黃俞邵徵刻昏目曰八卷。殆未見全昏。

庚申帝史外聞見錄二卷

權衡字以制。吉安人。編輯元順帝三十六年事。筆之于昏曰庚申帝史外聞見錄。所記瀛國公生男。明宗求之為子。事甚悉。其繫帝于庚申者。蓋以制之微詞也。先君廣覓是昏。僅見之眉公秘笈中。脫落舛誤。十亡其五。予後得完本。繕寫藏。惜先君之不及見。每檢此昏。即為泣下如

兩

歷代紀年十卷 晁氏歷代紀年始之于正統次之于封建僭桀  
再次之以盜賊夷狄道里而後以歷代年号終  
焉 晁公諱公邁守伯咎纂輯此各凡節目之大  
而关于体統者可以概見 紹興壬子樂清包履  
常為之鈔本以傳

歷代紀元錄一卷

錄自漢武帝至元順帝止別錄自王莽至明昇

按

止又接雲南自唐世為蒙氏所據至元始郡縣  
東之其間蒙段二氏雖立有與滅然諸夷若安南  
日本渤海等国亦嘗紀元未有如雲南之盛者  
特脩錄之

歷代紀年曆七卷

起自唐虞至明隆慶元年紀載頗詳有以六字  
為年号者如南詔崔招王法之貞明兼智大同  
夏趙元昊之天授禮法延祚李秉常之天賜孔  
盛國慶等類是也

綱鑑甲子圖一卷

周威烈王元年丙辰至明崇禎十七年甲申共二千六十九年概括于八葉之中殊便檢閱也

西漢會要七十卷

嘉定四年九月十一日徐天麟上進李訖戴溪為序崇禎己巳閏月二日先君校完題于後是年八月揆予初度撫今追昔為泫然者久之

東漢會要四十卷

寶慶二年六月二十二日徐天麟上進葉時序

云仲祥父子伯仲俱刻意史學各有各行于世

仲祥天麟字也

唐會要一百卷

王溥撰建隆二年二月奏御明初人鈔絳雲藏

本勘過

五代會要三十卷

王溥纂凡五代儀物章程官名文法因革損益

之由多可于此考見

孫逢吉職官分紀五十卷

富春孫彥同黃楊侃職林而成是昏清常道人  
惜舊鈔謫謬借金陵焦太史本讐勘而焦本亦  
多殘缺復賴此本是正之清常又從昏賈搜得  
宋槧本第七卷神訂入前輩好昏之勤如此慚  
予空蝗梁杰展卷便欠伸思睡每睹清常手校  
書籍未嘗不汗下如漿也  
政和五禮新儀二百四十卷目錄六卷  
首卷冠以御製序題政和心元三月一日不知  
心元何謂次九卷御筆指揮次十卷御製冠禮

後  
其二百二十卷乃鄭居中  
等所編政和三年四  
月廿九日進呈者也  
劄子云悉稟訓指靡所建  
明殆有微意與目錄六卷  
文献通考謂五卷者  
誤  
大金集禮四十卷  
首列太祖太宗即位儀  
諸凡朝家大典輿服制  
度禮文莫不班々可考  
嗟乎杞宋無徵子之所  
歎金源有人勒成一代掌  
故復之考文者宜依倣  
編集以詔來葉此昏諸  
家目錄俱不載藏昏

家亦無有畜之者尚是金人鈔本撫卷有諸夏  
之亡之慨  
國初祭享儀注十卷  
國初祭享一天地二太廟三社稷四山川五歷  
代帝王六孝陵七孔廟八五祀九龍江壇十真  
武定公此永樂正位南畿猶未都燕時之儀注  
也真武則出自成祖之獨裁定公則猶是高皇  
之遺命禮文秩然樂章和雅國初大儒命筆簡  
益如此

圖

鹵簿圖一卷

此是國初常朝鹵簿圖按三輔黃圖云天子出  
車駕次第謂之鹵簿而唐制四品以上咸給鹵  
簿則鹵簿者君臣皆得通稱矣宋王欽若為鹵  
簿記元曾巽申為鹵簿圖今失傳內閣各目有  
宋宣和鹵簿圖九冊金天聖間宋綬撰集宣和  
祭攸等重脩凡三十五卷又有大駕鹵簿一冊  
中宮鹵簿一冊俱畫本內府之珍人間罕覩更  
不知圖繪為何等也

司馬氏各儀十卷

第一卷詳列表奏公文私各家各之式餘九卷

備述冠昏喪祭之儀前序云是各為經世之防

範禮法之大端士大夫家採摭行之于名教豈

曰小補哉溫公尚有家範十卷與此並藏諸各

塾可耳

浦江鄭氏旌義類編一卷

鄭氏世居浦江縣東二十五里鄉名感德里曰

仁義其遠祖冲素處士綺自宋建炎初同居至

元末已十世歷二百六十餘年守詩各禮樂之

教弗墜是編則其六世孫太和錄家範五十八

則七世孫鉉補續一百餘則八世孫濤又因時

損益之總一百六十八則勒成一卷以訓子弟

君子於此有感焉聖經脩身齊家之道終古無

能行之如此其久者而鄭氏子孫世守勿替迄

今循覽斯編雖百世而下得不為之興起乎

韓氏參用古今家祭禮一卷

魏公得秘閣所有御史鄭正則祠享儀御史孟

詵家祭禮殿中御史范正傳寢堂時享儀汝南  
 周元陽祭銀京兆武功尉賈氏家薦儀金呂衛  
 倉曹參軍徐潤家祭儀檢校散騎常侍孫日用  
 仲享儀凡七家採舊說之可行酌時俗之難廢  
 者以人情斷之成十三篇名參用古今家祭儀  
 而魯齊門人王仁頗致疑于祭儀一節男女拜  
 位東西相向與他昏為少異意公必有所按耳  
 魯班營造正式六卷  
 畧說云班周時人妻雲氏居江西隆興府地名

市縱予觀其規矩繩尺誠千古良工之範圍然  
 此等昏皆後人偽作非真出于班也  
 李誠營造法式三十六卷  
 營造法式三十四卷目錄看詳二卷牧翁得之  
 天水長公圖樣界畫最為難事己丑春予以四  
 十千徒牧翁購歸牧翁又藏梁谿故家鏤本庚  
 寅冬不戒于火縹囊細帙益為六丁取去獨此  
 本流傳人間真希世之寶也誠字明仲所著昏  
 有續山海經十卷古纂說文十卷續同姓名錄



二卷琵琶錄三卷馬經三卷六博經二卷今俱  
失傳附識此以示藏各家互蒐討之  
傳霖刑統賦一卷楊潤刑統續賦一卷  
刑統賦藏本有二一是延祐丙辰刻本東原邨  
氏韻秋趙孟頫序後有李方中韻秋刑統續賦  
言是至正壬辰鈔本鄒人孟奎解沈維時序  
本時令  
夏小正戴氏傳四卷  
夏小正大戴禮之篇名也政和中山陰傅崧鄉

從其外見閔澮得之閔本合傳为一卷不著作  
傳人名氏崧鄉倣左氏春秋列正文于前而附  
至大元年  
宗慄荆楚歲時記一卷  
杜公瞻注流俗本正文與注混淆此則舊本也  
陳元觀歲時廣記四卷  
者搜討殆徧亦可以人之小類家元觀南宋人自

稱廣寒仙裔朱鑑劉沘为之序  
韓謬歲華紀曆七卷  
此是舊鈔卷終闕字數行又失去末葉無從神  
人後見章丘李中簾藏宋刻本脫落正同知是  
此本之祖蓋因歲久墨散紙渝字跡不可扞揣  
故鈔本仍之耳  
費著歲華記廉補一卷  
費著元人記成都歲時嬉遊之盛予得之于癸  
巳老人命侍史重錄之

曜仙運化元柅一卷

月十有二而成歲其盈虛消長之數有差候氣  
之運各異涵虛子謂飲食起居必順天道以寧  
化育故纂此卷以備月覽于攝生之道可謂詳  
矣前載歲占圖後附天池混元之教及三元八  
會等辰其以中元乃下令威救母之日叔氏謂  
之日運未悉其所本何自姑識于此以俟博問  
者

李泰四時氣候四卷

李公存成于洪熙乙巳。利于景泰乙亥。視前人訓。秋  
月令頗加詳焉。

器用

鄭文定傳國奎譜一卷

嘉靖辛丑刻于金剛。此乃舊鈔也。

玉奎傳聞一卷

卷終一行阜昌宋隆夫。昏不知何人。內稱大元

皇帝。則為元人無疑。後有鮑菴先生跋語。清常

道人得之。亦岸李氏。

閩

考古圖十卷。續考古圖五卷。欽文一卷。

汲郡呂大臨論次考古圖成。并識古器所藏于

目錄。後秘閣太常內藏外。列三十七家。即後記

謂闕之士大夫得傳摹圖寫者。蓋非朝伊夕。夫

其續圖五卷。欽文一卷。文献通考俱不載。豈貴

與暨諸藏。各家都未見。此本耶。間以元刻。離校

抵招脫落。幾不成。昏。此係北宋鑄板。予得之。梁

溪。顧脩遠。洵縹囊中異物也。後為李滄葦借。公

屢索不還。耿耿掛胸臆者。數年。滄葦末。此昏。歸

之徐乾菴予復從健菴借未躬自摹寫其圖象  
 命良工繪畫不失毫髮楮墨更精于槩本閱之  
 沾、自喜嗟嗟此昏得而失、而復得得繕写成帙  
 予之嗜好可謂勤矣然散何常終歸一慨字  
 者唯以善讀為善藏可耳  
 宣和重脩博古圖錄三十卷  
 博古圖成于宣和年間而謂之重脩者益以採  
 取黃長睿博古圖說在前也至大翻雕而仍謂  
 之重脩宣和博古圖未知所脩何事循名責實

豈不可笑是昏雕造精工字法俱換歐陽乃當  
 及時名手所昏非草、付諸剗剗者凡臣王敞撰  
 泉志十五卷  
 泉志鄱陽洪遵撰嘉靖壬午秋茶夢菴鈔本  
 歷代錢譜一卷  
 元至大三年十月詔以歷代舊錢與新錢並行  
 是昏成于三年季春  
 查考錢法一卷

萬曆乙巳清常道入校錄孫蘭上本  
文房四譜五卷

蘇易簡集文房四譜徐騎省序之云筆硯紙墨  
為學所資不可斯須闕予亦好學者覽此各而  
珍之故為文冠篇以示未者此序是牧翁手錄  
原書通本皆經勘對疑誤讀者其善視之

硯笈四卷

硯笈四卷高似孫仿經籍志作一卷誤也晉人  
言吳融八韻賦古今無敵惜乎已未已久此存

得古尾研賦一篇熹然魯靈光矣  
陸友墨史三卷

友字友仁蘇州人善為歌詩工八分隸楷博極  
羣物幽小室僅可容膝清坐竟日自号硯北生  
著硯北雜誌馮李頂氏刊行之其原本今藏予  
家又著墨史纂魏晉宋墨法三人唐及五代墨  
工二十人宋一百七十人附以高麗契丹西域  
金國其搜訪可謂不遺餘力矣又云新羅墨有  
類九蠅飲其汁立死者不知用何毒亦異聞也

陳氏香譜四卷

新纂香譜河南陳敬子中編次內府元人鈔本  
凡古今香品香異諸家脩製印篆凝和佩薰塗  
傳等香及餅燥器珠茶以至事類傳序說銘  
頌賦詩莫不細羅搜討一一具載熊明未序之  
云陳氏香譜自子中至浩鄉再世乃脫藁可謂  
集大成矣古人命筆雖小道不敢聊尔成卷今  
望香人偶撮一二零斷譜刊人類各中沾一誇詡真  
不滿鬻香長者之一笑也香館琴窗蕭晨良夜

靜對此譜如燒大象藏香一丸真光彌雲覆甘

露味因尔時鼻觀先參者為何如也

孤矢譜一卷

詳論弓弩箭之制其稱蹻蹻弩張憲伏之于中  
林而捉真珠即時俊用之于射狐兔以敗四太

子殆是紹興年間經進之昏也

食徑

忽思慧飲膳正要三卷

予擬作一室額之曰養生主而列一聯于其旁

云也飲酒也噉肉素心何必素口自擔柴自運  
 水勞力不肯勞神或蒸之以遠庖廚之戒不覺  
 失笑今觀忽思慧此係又與食肉者鄙之慮矣  
 易牙遺意二卷  
 予非知味者過屠門而大嚼固未必然但嘉賓  
 互對俱席行杯者核方圓食草似不可不講此  
 於蔬菜餚饌造法頗精緻其亦山家清供之一  
 助歟  
 糖霜譜一卷

遂寧王灼晦叔撰各凡七篇古有柘漿蔗錫石  
 蜜蔗酒而無糖霜唐太宗遣使至摩揭陀國取  
 熬糖法亦似今之沙糖不言作霜也大曆間有  
 僧号鄒和尚者登徼山結茅以居因取蔗糖為  
 霜流傳其法允耕種蔗田事宜及糖霜戶器用  
 瑣碎採掇悉著于篇  
 種藝  
 陸脩靜靈芝瑞草象二卷  
 祥符元年王欽若獻芝草八千一百九十三本

又獻泰山芝草三万八千餘本六年丁謂獻芝  
草三万七千餘本七年又獻九万五千本予每  
笑人主侈言符瑞臣下貢諛者不獨野鳥可以  
為食即朝菌咸可名芝矣今觀脩靜此圖令人  
與童初蕭間之想良常有芝号萤火人得食一  
枚心中一孔明食七枚七孔明便能夜昏宜補  
人此圖之後因思祥符君臣當時若見此昼更  
不知何得妄談也  
白雲仙人靈草歌一卷

耕間園種菜者始何如耶伊子樛棟庸材為時  
所吐棄退而耕于野滌場除地類老圃所為瓜  
瓠豆蘿黍錯于牛欄豚柵之旁中築室顏曰小  
人齋時之偃息其所白木几上堆種樹篇探春  
日記汝南周史樹藝錄等不隨意披覽頗遂息  
機推曠之志間或勤其肢軀輒詳督便了芟繁  
治穢採掇喜蔬碩果與婦子相顧而樂之更不  
屑咏南山之其立擊缶而歌呼鳴鳴也或曰夫  
子之稱小人猶佛家之謂小乘云不覺混沌者



一日鑿一竅至七日而混沌死子分蔽影逢廬  
等諸逃虛空者搭龜殼而食蛤蜊期于汗漫時  
千九塊之外為不可雕之朽木真混沌所弗如  
豈非小人之尤者歟借以名斯齋誰曰不宜乎  
時方讀負木昏聩之所然笑推卷而怒據槁梧  
以仰視雲漢松濤洒面不舞天首之為山為壑  
也聊識其語于卷末以記歲月云時乙丑重陽  
前一日

養

白雲仙人不知誰何圖靈草五十四種而附以  
禽鳥歌皆世所未見未聞者苟非位秩仙班恐難遇  
此靈草也

玉蘂辨證一卷

玉蘂辨證舊藏宋刻後亦歸之泰與季氏此從  
宋刻摹寫者

瓊萃集五卷

曹璿得宝祐維楊志知花始未編成新集首之  
以考證遺事繼之以詩文所載張三丰與丘汝

泉輩游蕃釐觀。取水溪八仙。变为瓊華。香聞十  
餘里。三丰即于是夕遁去。汝乘詩云。不知今夕  
遊。游何處。引鶴同棲。貫月槎。其事徭見于此。  
瓊華考一卷

成化丁未。四明楊端木。輯瓊華考。成。凡古今序  
記詩賦。都为一集。流覽之餘。恍如枯樹回春。喚  
醒瓊華之夢也。

俞貞水種樹卷。下卷。未。因。亦。非。特。錄。山。頂。思。泉。也。  
攀遲請學稼學圃。夫子目之為小人。彼壘上。輟

耕。間園種菜者。殆何如耶。伊子。愕。櫟。庸材。為時  
所吐棄。退而耕于野。滌場除地。類老圃。所為瓜  
蒞豆籬。參錯于牛欄豚柵之旁。中築一室。顏曰  
小人齋。時。一。偃息其所。白木几上。推種樹篇。探  
春日記。汝南圃史。樹藝錄等。各隨意披覽。頗遂  
息機。植幢之志。間或勤其肢體。輒課督便了。艾  
繁治穢。株。揆嘉蔬。碩果。與。婦子相顧而樂之。更  
不。屑。咏南山之其豆。擊缶而歌。呼鳴鳴也。或曰。  
夫子之稱小人。猶佛家之謂小乘云。亦。鑿。混。沌。

已作乙

者一日鑿一竅至七日而混沌死子今蔽影蓬  
廬等諸逃虛空者捲龜殼而食蛤蜊期于汗漫  
游于九垓之外為不可雕之朽木真混沌所弗  
如豈非小人之尤者歟借以名斯齋誰曰不宜  
予時方讀貞本各聽之所然笑推卷而起捩槁  
枅以仰視雲漢。清洒面不辨天首之為已為鳧  
也聊識其語于卷末以記歲月云時乙丑重陽  
前一日

秦養

俊 鶴

師曠禽經一卷  
晉張華注從元鈔錄出流俗本刊于百川學海  
中文注混淆改益舊觀矣

鶴譜一卷  
樗庵居士校獵平原知鷹之性能搏而不能擊  
而胆勇性馴易調習充體體大而性剛為難調  
間有能者則遠勝于鴉鵲且深悉所以養飼調  
習形相美惡故著鶴譜十篇其十終以役鶴擒

云一作止

鵝二十圖、各有名、系以詩、雖紀一時之典會、亦可見永樂中隆平氣象、奉藩多暇、習騎射于田獵之中、為足樂也、  
古木古串、鵠論譜一卷、  
此內府藏本、鵠房錄出者、具名自嘉興、花劈破、玉至臥泥、挾翅共九十四種、逐種評論之、抄云、直省異樣異色者、益于是、噫亦奇矣、  
蟋蟀經二卷、  
蟋蟀經相傳、賈秋壑所輯、具于相辨、喂養調治

之法咸備、文詞頗雅馴、牧翁詩中、更壽帷幄、選將登場句、採其語也、予昔藏徽藩芸窗、道人五絲繪畫本、為李滄葦、豪奪去、茲則絳雲樓舊鈔、

傳記、  
廣黃帝本行記一卷、  
唐閩州晉安縣主簿王瓘、進述黃帝脩行道德、  
軒轅黃帝傳六卷、

神醫圖撰者氏名注引劉恕外紀殆是宋人所著欵  
漢武內傳一卷

屏守居士空居閣校本廣記刪玄靈二曲及十  
二等篇目又脫朱鳥窗一段對過始知此本為

新完卷

漢武外傳一卷

雜記漢武以後事雖名外傳實與漢武無涉

漢武故事二卷

一 是錫山秦女操鏞石各堂本與新刻頗異一

是陳文燭晦伯家本又與秦本互異今兩存之  
虬鬚客傳十卷

楊彥淵筆錄云口上曰髭頤下曰鬚在耳頰旁

曰髯上連髮曰鬢髯之不混鬚也明矣漢朱傳

傳舊髯抵几蜚志猶未及髯之絕倫逸群黃香

貴髯奴辭離、若綠坡之竹鬱、若春田之苗

古人描寫髯之脩美並未言其虬也老杜八哀

詞虬鬚似太宗西陽雜俎太宗虬鬚常戲張掛

弓矢南部新卷太宗文皇帝虬鬚上可掛一弓

蓋此鬚字之有本若此今人安得妄改爲虬髯  
容乎考其繆始于紅拂傳奇流俗兼謫已久故  
昏以正之  
賈栢廉吏傳二卷  
天地穢濁之氣生凶庸貪狠之徒凡弱下愚之  
類以敗壞國家未有甚于宋之政宣年間者也  
成都賈栢秉經撫傳類次廉吏傳成序于宣和  
己巳其言曰迺者奸臣當路群狂並進官以賄  
授冗濫多門漢世臧吏禁錮子孫三世不得入

仕今願以此爲獻果哉賈君敢言不避權惡志  
在疾世憂國借此昏以寓激揚之意夫豈無謂  
而苟作者何邦基云載公孫弘而不沒其忠害  
甚於之實載牛僧孺而不舍其明黨之罪所學實有  
以助史官之賞罰是又淺之乎其知之矣

謝諤孝史五十卷

謝諤孝史君紀五卷后德一卷宗表四卷臣傳  
三十五卷婦則二卷文類二卷夷附一卷總計  
五十卷并序自淳熙十五年三月八日狀奏校

進教授臣張綱校正後序此昏世罕其傳予  
從印宋本抄錄藏之家塾以示子孫歐陽玄序  
番易楊玄翁忠史嘉其是非枉真瞭然不繆于  
古人且謂是昏果行昏之幸世之幸也予於孝  
史亦云  
葛洪神仙傳十卷  
袁陶齋藏昏後歸秦四麟又玄齋流傳至胤伽  
居士春雪樓三君皆好古碩士所藏率多舊鈔  
本故其昏<sup>正</sup>可傳覽者勿忽之

真仙体道通鑑前集三十六卷後集六卷

前集軒轅皇帝至趙元陽止後集無上元君至  
孫仙姑止蓋以女仙故而為之區分也浮雲山  
道士趙道一編脩前有表進之是天上帝未免  
浮而夸矣  
重編義勇武安王集二卷  
辛丑孟冬初旬吾邑西鄉迎闕神賽會元期王  
示夢里人云紅豆莊有警廿八至初二須往護  
持過此方許出會是日牧翁赴李石臺使君之

約入城止宿山莊其夜盜至而公無虞王之靈  
 實庇焉公齊心著是昏者蓋所以答神佑也元  
 季也郡胡琦編刻閔王事蹟嘉靖四年高陵呂  
 柵復校次刊之名義勇武安王集公取二昏次  
 第釐定考正刪補而謂之重編者因名仍呂公  
 之舊耳公又取錢唐羅貫中撰通俗演義三國  
 志及內府元人雜劇摭恰其與史傳抵牾者力  
 為奪正而予于此亦有疑焉神座右塑立周倉  
 像傳未甚久適考各史絕無其人僅見于小說

傳奇那可為秘今王之廟貌徧天下罕有核及  
 此者何也且如植侯字蓋德內府板演義傳尚  
 未之改而流俗本竟刊為翼德豈不可笑或有  
 書前為之說者曰植侯名飛揆揆字義焉知非翼德  
 矣予笑語之曰如子云、豈獨植侯宜此字即  
 王之諱羽亦應移此字、之矣其人慙懼而去  
 并吞之以發一笑  
 祠山事要指掌集八卷  
 嘉熙己亥三山周秉秀纂類一世系二封爵次



祖一作祖

弟

序三顯應事迹四正訛五祠宇六生辰七事始  
附雜編人威濟侯方使者王諱渤清河張氏相  
傳生于漢代吳興郡烏程橫山人也王一妃二  
夫人九弟五子一女八孫集載之甚詳洵為祠  
山典故惜乎世罕其本人見之者尠耳  
雷神紀事二卷  
此吞載雷神出處甚詳靈異可怪按太平寰宇  
記貞觀八年改東合州為雷州雷公廟在州西  
南七里咸通十二年置並未及雷神事止云俗

候雷時具酒肴奠焉法甚嚴謹有以彘肉雜置  
食者霹靂即至是神之盼嚮亘古如一也宋元  
時封誥班班可考飛來鉤篋猶在廟中後人焉  
得以語怪誣之但紀事云神生于漢朝未知古  
聖人烈風雷雨弗迷迅雷風烈必變彼時司之  
者又何神也

廣異記六卷

杜詩諸將篇昔日玉魚蒙塵地以此書劉門奴  
事經之流俗本誤為明奴非也考之廣記善本

註

亦然丙午夏滄葦邀予渡江校刊牧翁草堂箋  
注日長苦志數月始潰于成後偶以事還家忽  
為妾庸子改作明奴且行間多以方空界字可  
恨也

李翱卓異記一卷

閔成五年翱在檀溪述虛舟道人云蕭氏自瑀  
至邁八葉宰相閔闕之盛有唐莫與之比而卓  
異記不及何耶按翱書成于文帝時焉能下記  
宜懿僖三朝事虛舟之跋殆亦未之思也

樂史廣卓異記二十卷目錄一卷

樂史集漢魏以來至五代卓異事都為一集儼  
神仙殊異者附于後惜其所撰續唐卓異記三  
卷失傳為恨耳

古列女傳七卷續列女傳一卷

顏氏家訓云劉向所造其子歆又作頌終于趙  
悼后而傳有更始韓夫人明德馬后及梁夫人  
嫗皆後人所羈非本文也今此本始于有虞二  
妃至趙悼后號古列女傳周郊婦至東漢梁嫗

等以時次之別為一篇號續列女傳頌義大序  
列于目錄前小序七篇散見目錄中間頌見各  
人傳後而傳各有圖卷首標題晉大司馬參軍  
顧愷之圖畫恭顏氏所云而蘓子容嘗見江南  
人家舊本其畫為古佩服各題其頌像側者與  
此蛤相符合定為古本無疑千載而下覩此得  
存古人形容儀法真奇昏也牧翁亂後入燕得  
于南城廢殿卷末一條云一本永樂二年七月  
二十五日蘇叔敬買到當時林訪書籍必貼進

買人氏名鄭重不苟如此內府珍藏流落人間  
轉得歸于予不勝百六颺廻之感

孟姜女集二卷

世傳孟姜女為范杞梁妻予暇日考之蓋所謂  
俗語不寔流為丹青者此類是也傳襄公二十  
三年莒子獲杞梁齊侯遇杞梁之妻于郊使弔  
之辭曰有先人之弊廬在杜注杞梁即杞植劉  
向列女傳莊公襲莒杞梁戰死妻無子枕其夫  
之屍于城下而哭十日而城為之崩既葬曰吾

何婦矣。赴淄水死。君子稱其貞而知禮。是祀梁  
去于築城時已三百四十餘年。安得以此牽合  
舍耶。考孟子正義亦有或云其妻孟姜之說。諺  
以傳譌。知其未已久。然謂或云者。正疑而未必  
之辭。斷不得即以范姓加之祀梁也。今此集云  
女姓姜。楚地澧人行一故曰孟姜。秦始皇築長  
城。夫范即往赴其役。久不歸。製寒衣。躬往送之。  
至則范已死。痛哭城崩。瀝血求夫骨。函歸行。至  
同官山力竭死。土人即其遺骸立祠以祀之。自

元及明季。詩文盈帙。益畧祀梁之名。而攷稱范  
即者。殆有所考。而云然。歟。千百年來。廟貌猶新。  
靈異如昨。一種貞烈之氣。自在天壤間。予故錄  
而存焉。  
譜牒

東家雜記三卷

牧翁各趙太史魯游藁後。亟稱東家雜記。祖庭  
廣記諸卷。而惜予之未見也。壬戌冬日。葉九來  
過訪草堂云。有宋槧本東家雜記。因假借繕寫。

此卷為先聖四十七代孫孔傳所編首列杏壇  
 國說記夫子車從出國東門因觀杏壇歷級而  
 上顧弟子曰茲魯將藏文仲嘗將之壇也觀物  
 思人命琴而歌其歌曰寒暑往來春復秋夕陽  
 西去水東流將軍戰馬今何在野草閒花滿地  
 愁考諸家琴史俱失載附錄于此詳其語意未  
 知果為夫子之歌否也  
 孔氏家譜一卷  
 先聖四十九代孫莘夫名琬宋乾道二年任臨

漢天師世家一卷  
 川丞遂家于此為臨川始遷祖正德癸酉吾虞  
 陳言知撫州編此蓋孔氏臨川族譜也  
 嗣漢四十二代天師冲虛子命傳同虛編次宋  
 潛溪序其簡端其子香山公又自為序以行紀  
 載詳瞻中稱三十代天師諱斷先者宋崇寧三  
 年投符解州鹽池磔蛟死水裔上問用何將隨  
 召閑羽見于殿左上驚擲崇寧錢與之曰以此  
 封汝世因祀為崇寧真君可補神遠之闕遺也

同作問

斷一作繼

漢天師世家一卷  
 川丞遂家于此為臨川始遷祖正德癸酉吾虞  
 陳言知撫州編此蓋孔氏臨川族譜也  
 嗣漢四十二代天師冲虛子命傳同虛編次宋  
 潛溪序其簡端其子香山公又自為序以行紀  
 載詳瞻中稱三十代天師諱斷先者宋崇寧三  
 年投符解州鹽池磔蛟死水裔上問用何將隨  
 召閑羽見于殿左上驚擲崇寧錢與之曰以此  
 封汝世因祀為崇寧真君可補神遠之闕遺也

科第

紹興十八年同年小錄

唐未進士不第，坎墮失職，如王仙芝輩倡亂，而敬翔、李振之徒，亦皆進士之不得志者。宋祖深鑒其故，廣開科舉之途。開寶二年三月壬寅朔，詔禮部閱貢士十五年以上，曾終場者，其名以聞，特恩各賜本科出身。此特奏之由始也。景德二年三月丁巳，李迪等進士及第，賜特奏名五人以上，本科六十四人，三傳十八人，同學究

二十二人，三禮四十四人，年老授將作監主簿三十一人，特奏之名，所由立也。祥符八年，又以人多而裁抑之，特奏名並赴殿試。是後循以為例，故終宋之世，其禍患皆起于夷狄，而中國士子雖潦倒場屋，窮老盡氣，無自棄于盜賊，如唐末之亂者。此錄後列特奏名一人，殆猶存告朔餼羊之遺意與。第五甲第九十名，朱熹字元晦，小名沈郎，小字季延，王同軌記其詳于耳譚中。余考宋朝登科錄，唯此與宣祐四年者僅存，則

知此錄之傳蓋以文公故而垂之久遠耳  
寶祐四年登科錄

困學記聞云唐制奉之名多至八十有六故當時謂之科目自王安石罷諸科後之進士有科而無目矣今寶祐四年登科錄宋未稱為文天祥榜進士蓋制科以人為重也明太祖洪武四年十七年開科十八年會試循元舊例作經疑試士至二十一年始定三場之制三百年來燈

刺窗小生熟爛時藝影掠論策取榮名利祿自通

王象籍以選未聞仕優則學之大夫是又人以制科為重而非制科以人為重也久矣先正丘文莊公言士子有登名前列不知史冊名目朝代先後字書偏傍者可不憫哉可不嘆哉大有為之君作師于上倣漢唐宋射策決科詩賦取士之法一洗制義陋習重與儒雅豈非斯文之大幸歟

地理輿圖

太平寰宇記二百卷目錄一卷

輿

樂史序云從梁至周郡國割據更名易地暮四  
朝三撰太平寰宇記自河南周于海外若賈耽  
之漏落吉甫之闕遺此益收焉予攻之唐分天  
下為十道後又分山南江南為東西道古今山  
河兩戒之區別至于斯為益善而此昏因之且  
較詳于九域志宜乎樂史之自以為無掛漏也  
祝穆方輿勝覽止南渡半壁天下識者能無與  
小朝廷之慨乎  
王象之輿圖紀勝二百卷

宮

紀勝者凡山川人物碑刻題詠無不蒐集首臨  
安以尊行在而幅員之版圖未復者不與焉亦  
祝穆之例也鏤刻精雅楮墨如新乃宋本中之  
佳者  
郟道元註水經四十卷  
昔者陸孟鳧先生有影鈔宋刻水經注與吾家  
藏本相同後多宋版題跋一葉不著名氏余因  
錄之其跋云水經舊有三十卷刊于成都府學  
官元祐二年春運判孫公始得善本于何聖從



家以舊編校之，總三分之一耳。乃與運使晏公  
委官校正，募工鏤版，完缺補漏，比舊本凡益編  
一十有二，共成四十卷。其編帙小失次第，先後  
咸以何氏本為正。元祐二年八月初一日記。詳  
觀跋語，是本在當時益稱完善，惜後人無翻雕  
之者。余故備錄此跋，以告世之藏書家。  
分野一卷，以九州配周天度数，而以十二時分十二分野，  
隸之以二十八宿，離之合之，規布星辰于指掌

大

之中，真奇書也。  
天明清類天文分野書二十四卷，游歷者所必  
晉天文志十二次分野，始角亢者，以東方蒼龍  
為之首也。唐十二次，始女虛危者，以十二支子  
為之首也。今以斗牛為星分之首者，日月五星  
起于斗宿，古之言天者，由斗牛以紀星，故曰星  
紀，則星紀為十二紀之首，而斗牛又二十八舍  
之首也。此書聖祖命屬藁于鞏眉公鐵冠道人，  
洪武十七年甲子閏十月二十七日進，始于斗

牛吳越分野首著闕天之神功終以雲漢之末  
派龜魚麗焉即一書之始終可作運命論讀矣  
後之脩明史者于此徵輿地志更何煩他求乎  
范成大吳郡志五十卷  
石湖著吳郡志成郡守具本欲刻時有求附某  
事于籍而弗得者譁曰非公之筆刻遂中止書  
藏學宮紹定初元李壽明以尚書郎出守始增  
所缺遺訂其脫誤而刊行之宋槧本書籍注中  
有注者惟此及高誘戰國策他則未之見也

渚宮舊事五卷

余知渚宮舊事十卷今止存前五卷餘五卷七  
來久矣

葛洪西京雜記二卷

後序云此兩卷在洪巾箱中嘗以自隨則原書  
爲二卷無疑流俗本妄分六卷繆甚矣章丘李  
中麓所藏卷仍上下但每事標題又分自甲至  
癸殆猶存子駿漢昏之舊欵俟博識者詳論之

建康實錄二十卷

建康、楚金陵邑。秦改秣陵。吳改建業。晉愍帝諱業。又改為建康。元帝即位。稱建康宮。五代仍之。許嵩舉吳首事之年。通西晉。華吳以迄南朝事。勒成一帙。名曰建康史錄。黃子羽藏。嘉祐年間。鏤本。吾猶及見之。此則子羽家小胥所鈔也。

楊銜之洛陽伽藍記五卷

清常道人跋云。歲已亥。覽吳琯刻古今逸史中

記

洛陽伽藍。讀未數字。輒齟齬不可句。因購得陳

錫玄秦西岩顧寧字孫蘭公四家鈔本。改其謬

載

論者四百八十八字。增其脫者三百七字。丙午。又得舊刻本校于燕山龍驤邸中。復改正五十餘字。凡登八載。始為完書。清常言讐劬之難如此。予嘗論牧翁絳雲樓讀書者之藏書也。清常役書盡歸牧翁。武康山中。白晝鬼哭。嗜書之精。靈若是。伊予腹笥單疎。囊無任敬子之異本。又何敢廁于墨莊藝圃之列。然絳雲一燼。文後。凡清常手校。秘鈔書。都未為六丁取去。牧翁憲作。蔡邕之贈。天殆留此。以俟助予之許。注耶。何其

之 悉

幸哉、又何其幸哉、

夢華錄十卷

幽蘭居士孟元老追叙東京舊遊、編次成集、緬懷曩昔、加全華胥夢覺、因名夢華錄、書成于紹興丁卯、去靖康丙午之明年、又一十一年矣、南渡君臣、其猶有故都舊君之恩、如元老者乎、劉屏山汴京絕句、憶得少年多樂事、夜深燈火上樊樓、蓋同一藉歎也、予哀運晚晚、情懷罕落、回首淒然、感慨尤甚于元老、今閱此書、等月光之

懷

衰

水、但無人為除去瓦礫耳、

夢梁錄二十卷

往予讀南濠文、見其跋吳自牧夢梁錄、凡臨安時序土俗坊宇遊戲文事、固不筆載、蓋繼元老夢華而作者、私心竊慕之、而未由覲其書、芥李輩下還、解裝出書二百餘帙、邀予往視、皆秘本也、因笑曰、僕頃游南昌、空橐抵里、途次作得詩三十余首、每詫于人、此行可為壯遊矣、被篩竿牘、間苞真、纍纍若若者、曾不以易我奚囊中物

罔

皆

彼

問

子幾一作義

也存今搜奇覽異捆載秘書而還視予幾窮途  
酸語所得不已遼半李嘆曰浪迹兩年未嘗遇  
一真好書人歸而求之於子有餘師矣嘗悉索  
以供總寫毋願借書一紙但視世之夢夢粥粥  
假牧兒之羞而乞隣女之元者我兩人好尚之  
異同為何如耶予因次第借歸自春祖秋十鈔  
五六夢梁錄亦其一焉嗟嗟近代藏書家推章  
丘李氏金陵焦氏王孫則西亭之万卷堂汴七  
竹居文史盡隨怒濤去矣灰劫之余未知金陵

煩

徂

圖馬

忘

國籍獨有存焉否今斧季所購乃中麓祕藏之  
物予不敢忘所自遂牽連書之如此

武林舊事十卷

武林舊事流俗本止六卷予從元人鈔仇先生  
所藏錄得後四卷乾淳奉親之事今昔所無閱  
之不勝惋嘆後過吳門書肆又購得一本按此  
添補數則并錄入泗水潛夫前序一篇此書始  
無遺憾矣

并

陸游入蜀記六卷

放

放翁于乾道五年十二月六日得報差通判夔州以久病未堪遠役至次年閏五月十八日晚始即路十二月一十七早至夔州凡達中山川易險風俗淳清及古今名勝戰爭之地無不排日記錄一行役而留心世道如此後時家祭無忘並有素馬卷中所記慈老磯即南唐樊若水獻策作浮梁渡王師處而宋也作樊若水未知孰是附識于此

史

古今輿地圖二卷

分

載

起帝嚳九州至元末羣雄恣以明朝華夷區域為總要復朱界其間標舉歷代地理于上凡古今山水名及一行山河兩戒圖咸焉昔謝莊今左氏經傳隨國立篇製成本方之圖山川土地各有分理離之則州別麗殊合之則宇內為一後人嘆美之以為學此書苦心志不減希逸惜乎石氏翳如為之浩歎

統輿圖二卷

唐貞觀初因山川形便分天下為十道一曰關

使使

如  
比隆

內、一曰河南、三曰河東、四曰河北、五曰山南、六曰隴右、七曰淮南、八曰江南、九曰劔南、十曰嶺南、開元二十一年、又分山南江南為東西道、增黔中道及京畿都、置十五採訪使、簡察如漢刺史之職、夫所謂江南東、理吳郡、今蘇州也、江南西道、理豫章、今南昌也、是東西之分、並在大江以南、不得知今之但稱江西也、元起朔漢、四履所至、此降前代、立中書省一、行省十有八、日遼陽、日河南、日陝西、日四川、日甘肅、日雲南、日江

西  
隸

浙、日江西、日湖廣、日征東、考江西之名者、至是始大定、蓋因江南西道設省、誤南字之謬耳、不知南昌可稱江西、則蘇州竟謂之江東、可乎、明興聖祖肇造區夏、分天下為兩京十三省、獨江西之名、仍其譌而弗改、殊所不鮮、然古今地圖、莫詳于明代、蓋天下定于一幅員、所被者廣耳、吾家藏統輿圖、南北直隸、及各省郡縣、以至邊防海道、河圖蓮漕、外國屬夷、靡不考核焉、圖如蚊睫、字若蠅頭、繕寫三年而後成、彼柏翳所圖、

章亥所步，不出戶庭，而列萬里職方于几案間，豈非大快事歟。寶護此書，便可厭倒海內藏書書家，非予之僂言也。

一統輿圖一卷

輿圖桂萼撰，兩京十三省四夷約而為圖十六，嘉靖八年六月初一日進呈，奉旨謄寫，副本留內閣。

重譯圖經二卷

圖共一百三十有四，五米繪畫，精如絕倫，博採

四

妙

核

朝貢典錄、四夷考、島夷志等成書，校而可稽，昔人作王會圖，亦不是過矣。此等書人間絕少，唯吾家有之，披視之間，洵足驚人。螺虫錄、雜採山海經異狀圖之，不足存也。

嶺海輿圖一卷

唐介廣南為廣南東路、廣南西路，後人者文，但稱廣東、廣西，如江西之例，羨譌襲謬，其來已久。無識者正之，良可慨也。此稱嶺海輿圖，莆田虞撰，虞于嘉靖年間，按部廣東，著此書，為圖十

省

姚



馬

于

度臺撫屬地圖一卷

二、右係以叙記其言、雖簡而要者、咸得考為

道

贛為古之虔州、國朝開府上此、故稱虔臺、東則福建漳南道、汀州府八縣、南則廣東嶺南道、南韶道、南雄府二縣、韶州府六縣、北則江南嶺北道、湖西道、南安州四縣、贛州府十一縣、吉安府五縣、西則河南郴州、郴州五縣、皆撫屬之地、長泌李崇鎮臨于此、移行各道府縣、詳考境內地形、畫圖貼記彙成此帙、六道七府、州之險隘、滕

說

然加指諸掌矣

薊鎮東路圖冊一卷

萬曆三十年二月、副總兵麻義訓將所屬山右燕建四路、自山海關、南海口、靖虜、一號臺起、至建昌路、白道子地方、交界、自草窪、一石、四十五號臺止、邊長丈尺、臺墩烽墩、一一畫圖、貼說、閱報、誠聚未畫笏之心事也

榆林全鎮圖說一卷

前有總圖、後介撫、衝次衝諸圖、榆林乃九邊保

林

千文

障之首、總轄三十六堡、邊牆一千二百里、余叔  
墩建設于前、之巡撫增脩于後、隆慶二年、蒲坂  
馮舜漢著此圖說、

三省礦防圖說一卷

三省者、浙江、南直隸、江西也、奸民礦從、往往嘯  
聚、宅掘、隆慶元年、頒行此圖說于各屬、以稽考  
禁止之、

建昌諸夷圖一卷

建昌所部夷九種、嘉靖戊子夏、構兵使上蔡周

靖備

藩

貴州諸夷圖一卷

汝勤過訪其風俗所尚、并圖其形狀刻之、

貴落參議李公、重刊貴州夷圖、共三十五種、宣

德甲寅歲五月、徵右參議清陽賈昭為之序、

雲南諸夷圖一卷

雲南夷三十七種、舊有圖刊、其為官學佛漢獵  
貿易諸狀、其部落種類、質之勇法、心之慈暴、與  
居處之險易、各題于其上、歲久漫漶、布政使昆  
陵殷公、請于黔國公、重鑄諸梓、宣德辛亥夏、巡

怯

按御史甄閱杜琮序其首  
安南圖志一卷

漢武平南越置交趾九真日南三郡光武時女子徵則徵貳反焉後討平之建炎中改為允州唐置都護府改為安南梁貞明中曲羨美楊廷藝皎公羨吳權相繼篡李宋初丁璉據地入貢太祖封為交趾郡王從此不入中國版圖者四百四十六年永樂初黎季犛弑君陳日焜誅戮陳氏殆盡二年老撾傳送故王之孫陳天平來

集

薛

候

五年

朝四年春季掣偽請天平還國至芹路伏兵殺之并使者大理寺卿薛當太宗震怒命成國公朱能新城張輔西平侯沐晟出廣西雲南兩路討之親馮龍江誓師十月庚子能病卒于龍州輔代總其衆五月擒李榨父子獻俘詔求陳氏後無存者遂依漢唐時郡縣其地六年輔還進封英國公厥後交人簡定陳季擴鄧宗異輩徂作屢叛後命輔討平之英國凡三下安南交人惛服遂留鎮其地十五年召還宣德元年黎利

詐

王升作井沐兵

上

英交

反、主、通、討、之、失、利、柳、升、中、伏、死、沫、屐、其、觀、望、不、  
前、三、年、黎、利、上、表、偽、稱、立、陳、氏、後、英、國、公、輔、尚、  
書、蹇、義、夏、原、吉、力、爭、以、為、不、可、從、大、學、士、楊、士、  
奇、揚、榮、引、漢、弄、珠、屋、之、說、為、解、士、允、其、請、君、子、  
嘆、當、時、廟、堂、無、卓、識、大、臣、命、莫、國、鎮、文、州、如、黔、  
國、之、在、雲、南、悍、也、守、其、土、文、人、憚、英、國、威、名、雖、  
犁、利、何、能、為、乃、以、祖、宗、成、業、捐、于、謀、國、者、之、片、  
言、履、霜、堅、冰、後、時、死、水、之、禍、飛、走、都、窮、真、可、為、  
痛、哭、者、黎、利、又、稱、陳、氏、絕、種、上、心、知、其、妄、然、業、  
也

已、置、之、乃、詔、利、署、安、南、國、事、黎、氏、遂、世、主、其、地、  
正、德、十、一、年、陳、嵩、裁、其、主、暹、自、立、莫、登、庸、逐、之、  
立、暹、兄、子、譚、無、何、登、庸、自、僭、為、安、南、王、上、命、咸、  
寧、侯、仇、鸞、尚、書、毛、伯、溫、致、討、登、庸、父、子、懼、束、身、  
乞、降、詔、赦、登、庸、為、安、南、都、統、使、也、其、職、萬、曆、間、  
鄭、檢、父、子、立、黎、暉、後、誰、渾、為、主、蓋、逐、莫、氏、遺、孽、  
誰、渾、遣、使、請、督、臣、歸、罪、二、十、四、年、受、降、如、登、庸、  
上、亦、詔、之、為、都、統、使、蓋、安、南、自、黎、利、竊、據、以、來、  
叛、服、不、一、雖、奉、貢、稱、藩、然、自、帝、如、趙、化、中、國、不、

請

士

得而主勞臣志王每興弁文州之歡鄧鍾序此  
猶失在召還新城候後追思國初命將故事三  
致意焉于伏波英國輯為圖志意念遠矣予念  
詳述安南始末于此書之後寔有隱恫焉悠悠  
我心千載而下誰則知之

朝鮮八道圖一卷

八道圖京畿道忠清道全羅道慶尚道江原道  
咸鏡道黃海道平安道前各係以圖後列州郡  
名下詳四至所刊順效元和圖志例鑄板橫雅

輿樸

繭紙堅緻裝漢悉依宋時工匠東國奉箕子風  
教留心圖籍其猶是古人之遺旨歟

日本圖纂一卷

鄭若曾從奉化人得倭國圖本持以詢諸使臣  
降夷通事大長之屬錯竅五訂頗得其真其于  
山川夷險風俗強弱技術巧拙器物精否部道  
驛戶之詳與夫通貢入元之路風汛逆順遲疾  
之期按圖可盡得其要領山陰王畿序之如此  
鄭子尚有萬里海防圖論俟覓之

廬山圖一卷

圖尚總要故首之以總圖山勢四面皆奇非一  
圖可盡故次之以分圖山頂之攢峰叢巖未及  
也廬山之勝在瀑布也故又次之以山頂之圖  
瀑布之圖三疊泉之奇更在瀑布上非圖家所  
能及故圖缺焉

黃山圖經一卷

黃山舊名黟山軒轅黃帝栖真之地當宣歙二  
郡唐天寶六年六月七日勅改為黃山今名圖

經尊此書也予注牧翁游黃山詩大半取此搜  
覽全圖真神游于三十六峰之間矣

勞山仙蹟詩一卷

丘長春詩三十餘首王重陽馬丹陽劉朗然各  
數首是集人間絕妙萬曆乙卯趙清常借柏臺  
靖恭堂本繕寫

台山靈異錄一卷

瓊臺山大麗櫟輯古今靈異圖志二十餘事編  
成此書

別志

高麗圖經四十卷

宣和六年徐競奉使高麗撰圖經四十卷凡三百條物圖其形事爲之說上之御府乾道三年徐嘗鏤板激江惜平圖亡而經存競字叔明張孝伯與作行狀附刊于卷末

東國史畧六卷

東國史畧始自檀君終于恭讓王上下千餘年幽奇理亂之迹靡不具載李氏獄君篡位而此

墮

殺

稱成桂爲太祖芳遠爲太宗蓋執筆者爲其臣子不得不然史記鄭夢周忌太祖威德欲乘隨馬病篤圖之太宗與李濟謀去夢周遣趙英珪等邀于路擊殺之藉其家并放李縉于韓州至是而王氏之舊臣盡矣又稱夢周爲人有忠孝大節國家多故處天事決大疑不動聲色咸適其常穡天資明敏與夢周同心始終不變臣節如是而成桂父子之忌二人唯恐剪除不速安能頃刻忘之耶此書諱而不沒其實信良史也

遺

其猶有箕子之遺故狀

吳明濟朝鮮世紀一卷  
會稽吳明濟子魚萬曆丁酉以客從司馬公賡  
畫東援朝鮮諮訪事蹟撰世紀記高麗始末最  
詳辛禰之事同乎呂彘牛馬子魚謹而書之不  
沒其實王氏自梁末帝貞明四年代高氏有其  
國遂并新羅百濟之地稱後高麗傳三十二主  
歷年四百七十五李成桂篡位後稱朝鮮高皇  
帝祖訓云朝鮮國即高麗其李仁人子李成桂

禍

且

今若其者自洪武六年至洪武二十八年首尾  
凡弒王氏四王姑待之聖祖之意蓋以朝鮮遠  
在屬夷有稽天討而于李氏之篡弒則大書特  
書垂示萬世標之曰李成桂今若且者直揭王  
氏舊臣之名氏嚴于斧鉞之誅矣三百年來東  
國陪臣伏讀聖祖之明訓有不為之寒心者乎  
華越朝鮮賦一卷

弘治元年越奉使朝鮮國夏五歸命整其聞見  
作朝鮮賦即自為注之越字尚矩寧都人官至



信一作倍

南江部尚書致謚文信有文集傳行于世

黎崩女南志畧二十卷

崩字景高元時安南歸附人叙其山川文物風

備

土制度頗備白雲老人察罕為之序一時若公

鉅鄉如歐陽玄程鉅夫元明善許有士等俱稱

許之乃外志中之佳者

紀古澳說集一卷

元人張道宗錄上自唐虞迄于咸淳其間方域

年運謠俗服叛一一詳載所記金馬碧雞事與

建觀簡明書  
目作達觀是

漢書頗異道宗澳氏沐朝弼謂其自言風土當  
得其實留此以備參考可也

周建親真臘風土記一卷

建親自元貞乙未隨便招諭真臘至大德丁酉

始歸述其風土國事甚詳是冊從元鈔校錄說

海中刻者抵牾錯落十脫六七幾不成書矣

鞏珍西洋蕃國志一卷

永樂初勅遣中外重臣循西海諸國宣宗嗣位

復命正使大監鄭和玉景弘等往海外徧諭諸

番時金陵筆珍從事總制之幕。經還三年所至  
 番部二十餘處。在處詢訪紀錄無遺。宣德元年  
 編次成集。予觀其議事詳核。行文贈雅。非若星  
 槎勝覽等書之影畧成編者。蓋三保下西洋。委  
 卷流傳甚廣。內府之劇戲。看場之乎語。子虛亡  
 是。皆俗語流為丹青耳。今夷考之。此冊首載永  
 樂十八年十二月初十日。勅大監楊慶往西洋  
 公幹。十九年十月十六日。勅內官鄭和孔和卜  
 花唐觀保。今遣內官洪保等。送各番國使臣回

還合用賞使。即照依坐去數日。關給與之。宣德  
 五年五月初四日。勅南京守備太監楊慶羅志  
 唐觀保大使袁城。今命太監鄭和往西洋公幹  
 大小海船。該關領原文南京入庫各衛門一應  
 正錢糧。并賞賜并原下西洋官員買到物件。及  
 隨船合用等物。勅至即照數放支。與太監鄭和  
 王景弘李興朱良揚真右少監洪保等關領前  
 去應用。詳觀前後。勅書下西洋。似非鄭和一人  
 鄭和往返亦似非一次。惜乎國初事蹟。記載闕

范

加范無援據徒令人興放失舊聞之嘆而已

黃省曾西洋朝貢典錄三卷

東川居士孫胤伽跋云此書序見黃公五岳集

久矣往來于胸中者三十年歲己未錢受之搜

秘冊于邸城故家得黃公手藁歸以貽帛遂命

童子錄之此書初未入梓自藁本外只此冊耳

汪煥章島夷志一卷

豫章汪煥章少貞奇氣負船浮于海者數年始

歸書其目之所及不下數十國勒成一書名島

童

娑

人

夷志中一則云至順庚午冬十月十有二日卸

帆大佛山下月明水清水中見樹婆娑意謂琅

玕珊瑚之屬命童子入水板之出即堅如鐵高

僅盈尺搓牙怪枝有一蕊一花天然紅色既開

者彷彿牡丹半含者類守菡萏每入咸雀躍曰

此謂瓊樹開花海中稀有千年始一遇耳携歸

于君子堂虞邵菴賦詩誌其異其所記奇詭率

多類此是書為元人舊鈔本至正年間河東張

藹三山吳鑿序之咸謂其言可信不誣鄒衍曰

九州之外，復有九州。煥章此志，悉前古所未聞。予醜雖也，無能發獲天之覆，聊存其書而已。

日本受領之事一卷。受領者，受領天朝之賜予也。字形奇詭，是彼國人所書，裝潢措墨，咸與中華異，而是精于中華行間，復以日本事注其旁，不可辨識，亦書案間一奇物也。

王宗載四夷館考二卷。國初以遐陬裔壤，聲教隔閡，設四夷館以通達。

創

夷情，拔子弟之胡穎者，授譯課業于彼國之來使。凡山川道里，食貨謠俗，瞭然如觀掌果。迨後肄習既廢，籍記無徵。此館幾為馬肆，萬曆庚辰，王宗載提督四夷館，蒐輯往牒，創為此書。于柔遠之道，不無小補云。

華夷驛語一卷

洪武二十一年翰林侍講史源潔以華文驛胡

語三五惟梁而全其字，核對訓釋，而明其義，輯

錄刊布，聖祖命劉三吾序之。賜前元世系詔語

袒堆

新書咸用胡語成文時刊于後高皇撫綏勝國  
之南裔其至德曼絕今古矣  
花夷訣語二卷  
分類聚編上則番書中則漢譯下則胡音乃回  
回館新增者內府抄錄除此無別本宜秘之  
回回館課三卷  
諸番進貢駝馬玉石梭角求討膝襪織金段茶  
藥等件皆寫番書表奏回回館以中國字逐篇  
譯之輯成三冊藏之天府不知何年流落人間



為予所得存之以徵同文之化

屬夷枝派錄一卷

寧  
二祖以元之餘裔歸降効順賜以大字金地立  
忝寧朶顏福餘三衛設官襲職歲通兩貢其後  
唯朶顏獨盛此書于三衛枝派仕牧詳細錄之  
有心哉斯人也今撮畧其要以彰二祖撫賞之  
盛心并以法後之秉史筆者忝字衛夷始祖都  
督兀捏帖木兒右都督草子帖木兒二枝之後  
共五處仕牧朶顏衛夷始祖都督完者帖木兒

四世花當生十一男分十一枝厥後又分七十  
派隨處住牧外脫羅又兒古彥卜二枝隨長昂  
任牧是忽納猛可海哈力三枝跟那本寒等住  
牧草蘭台認義部落亦隨長昂住牧福餘衛夷  
始祖都督指揮使朵兒于都督指揮使可互夷  
始祖影克掌本衙印使指揮使扯禿四枝之後  
其五處住牧予慮此書或致湮沒失傳屬夷枝  
派便無從稽考故書其大凡於此

續書敏求記卷二

